

中國方志叢書·華中地方·第九四二號

據

清·杜一鴻等修，周燠等纂
清乾隆三十六年刊本

影印

江 西 省

龍泉縣志

〔五〕

成文出版社有限公司印行

中華民國七十八年三月臺一版

龍泉縣志

共三冊

發行人：黃

成

助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市南京東路三段270號9F

電話：七四一五四三二一九

印刷者：上林彩色印刷有限公司

台北市大理街145號

新聞局出版登記證：局版台業字第一一四三號

龍泉縣志卷之十三

知縣杜一鴻纂修

風物志

採風博物學士所稱況身蒞茲土不能周知而脩舉奚以
別利之所由生故祈寒暑雨自古而然易俗移風匪異
人任其地利而勤相維勤急正供而侵漁是戒其所爲成
之自下以達於上者可視若秦越人肥瘠耶抑亦無游無
曠庶其維釅維歌又草野之不容以自懈者爲之志風物

曰風俗曰戶口曰物產曰風

風俗

人物秀特崇尚佛老

志

山高風清以門第相以禮義自維故雖貧賤不輕去其鄉林
志

壤沃而利厚樂業而好門賦稅及時無煩笞撻市無優娼人鮮

賭博婦女安閑石遊寺觀街市

明郭子章豫章記

富者積穀鮮有貨寶貧者逐末作習技藝

趙迪之論俗文

尚氣不相下故民多

林志

泉之爲邑古稱新興土地居偏俗尚勤儉士清慧而文雅農專
力於耕耘工鮮務爲精巧商少出於遠方男婚女嫁多從幼

而納聘祭禮喪儀惟隨有以從宜

何寺丞還縣記

邑爲吉上游山川清拔民秀而文天聖以來高科鼎出有位至
侍從以忠直自奮尚論文獻者歸焉維柳實接壤梓鼓數

梓桐
祠記

地非要害戰爭少人生手不持戈刃維勤耕穡樵漁樂其父母
妻子以故冠帶衣履未逮中都而山川醇靈之氣含而未泄
人民敦龐質厚鮮所凋殘猶有初古之遺

府志

縣之風俗謹厚農力穡士就學山顏水腹始其曠土家藏詩書

庠教相望大抵子弟多頗有一不肖十手指而羞之

郭勤
縣記

一祖宗祠廟 朱文公通禮云君子將營宮室先立祠堂於正

寢之東程伊川曰古者士大夫祭於廟庶人祭於寢泉邑土
著舊家皆聚族而居族必有士大夫故遵文公家禮皆得立
祠廟有大宗祠堂小宗祠堂子姓環處焉示重也歲以清明
長至合祭大宗次及小宗皆有祭田羊豕祭盛餼餘頒胙卽

散處者必集故仁孝敦睦雖野夫田婦亦知筐筥蘋藻之義
又有譜系以明閥閥收族黨母許素越此風習之至美長守
而勿失可也

一冠婚喪祭 冠三加禮也男子二十冠而字近人率總角而
昌成人命字亦率意爲之婚親迎禮也父母之命媒妁之言
以諧其事近人男不先女惟席延戚族爲之迎親而議婚之
初先索女子庚帖以干支順逆爲從違則父母媒妁皆聽命
於星士矣父母之喪與易寧戚而地避五忌期約三月卽孝
子仁人掩親之道也近乃飾繁文薄天性作佛事惑堪輿甚
且破產飾觀而無當於喪禮尋沙卜吉而久淹夫親骸祭亦
哀不足而文有餘皆積習之移人者抑溺女則顯干故殺子

女之條遷葬則自雇發掘祖父母父母墳墓開棺見屍之律
蒞茲土雖未驟而繩之以法亦既馴而範之以義所謂齊
至魯魯變至道者尤所望於後來者耳

士農工商 邑山高土瘠男非橫經卽負耒其逐末爭子母
之利者什之一二耳士之銳志進取者雖四壁蕭然而一編
不輟人非貧不農而農之困莫甚於春種夏耘食力罔賴雖
官倉有出借減糶之例而遠鄉山谷之阻或未盡均沾卽社
倉分設四鄉而輸貯有限亦難家給而人足顧安得義田義
倉廣設於比閭聚族之地斯爲有脩無患耳工則攻木攻泥
攻陶攻冶亦資生計而時詘無舉贏之家商無大賈少出遠
方而貸本營利蠅逐維艱大約四民不足以自給則流爲游

侯矣是可念也

一歲時風習

元旦五鼓初合室長幼肅衣冠焚香禮天地祀

先祖畢開門擇方向迎喜神謂之出行遍叩神廟返宅序長

幼拜尊屬戚族近者往來相賀曰拜年春盤酌酒盡歡立

春在書謂之開眼春在夜謂之閉眼春家皆置春酒爲歡戒

小兒不得相詬詈元宵好事者先期選俊童扮雜劇或龍

馬跳舞燈彩輝煌官署民祠遍送至三更乃罷鄉俗舊有懸

神丹畫軸輪家置酒金鼓徹夕謂之接元宵後奉官禁亦未

盡除清明前一日具雞黍詣祖先墓叩奠以紙錢遍掛首

四周草樹間謂之掛紙至日黎明合祭大宗祠肅禮儀陳

醴祭畢分胙謂之春祭端午飲蒲酒啖角黍艾旗懸門於

正午中取百草爲藥嬰孩抹雄黃灼火 中元焚紙衣鈔祀
祖先有新喪者戚友裝繪紙衣送喪家焚燒謂之燒新衣
中秋置酒觴月小兒累碎瓦爲浮屠鱗差角銳積薪燃之曰
燒寶塔 九日登高泛茱酒就便處爲竟日歡 冬至邑人
祭墳祀祖與清明同謂之冬祭 除夕更桃符春帖門窗貼
五彩花錢午餐盛饌供祖先神祇合家齊集舉箸曰團年飯
夜則圍爐團聚歡飲或竟夜坐曰守歲爆竹金鼓之聲達旦
按風俗一門舊志未詳乃取梁氏類編所載各條增刪而
詳著之俾覽者有以審其移易之所宜先然猶有未盡者
俗信鬼尙巫如人病醫藥未效輒詭爲探神之說不曰外
邪作崇卽曰家神不安於是僧道盈門建齋設醮病之愈

不愈不可知而力之給不給不可問矣尤有恨者娶婦伏
床外家問病姑不及醫惟以祈禳爲急務稍有遷延怨言
無狀此風何可長也曰者之說何年月利不利何方向可
動不可動使民間經營動作之端拘忌種種若束縛其肘
腋使不得自舒便一出其範圍羣相訾議將奈何耶讀書
明理者盡於是乎覘之附記

龍泉竹枝詞

杜一鵠

吉州西上是龍泉萬點青山萬戶煙最喜年豐人樂業白
雲坳裏摠開田

雙溪溪水接羅灣百里沙灘九曲環估客船通南北岸浮
橋橫亘在中間

秀洲洲前多老樹北鄉寨上好杉山絞篴出水下流去買
得京趾細崽還

一年佳節元宵前秧歌社鼓爭喧聞東村隻鷄西村酒資
福寺還焚紙船

批山種竹蒲三年冬笋春苗好趁錢六尺籬巴堅似壁一
床紙褥軟於綿

油寮水碓杉皮蓬蓬下擔油婦趁翁今年木梓賤如土
月六日天無風

野菊花聞魚袋洲重陽箇箇出郊遊要看勝地斯文會
上東山抱景樓

貧士開荒客籍繁年年棚下長兒孫辛勤滿叶倉箱

廣湖湖共一鄣

龍泉竹枝詞和杜西田明府韻

周 燠

厥民惟隤隤多泉
幕歷層巒萬井烟
誰解農夫上山去
鏤白柄劬梯田

石角叢叢細草灣
絕流編竹巧連環
羨魚結網殊多
手松鱸在此間

千方竹繭來深谷
萬石桐膏出遠山
疲市有期越三
鹽包飯趁墟還

大姓人家寢廟前
相高冠蓋正紛聞
太平士氣歸
軸縹湘上瀨船

清明冬至一年年
遍壓松楸掛楮錢
故鬼未寒新鬼

門莫任草芊綿

杉皮福梗屋如篷春霽排簷曝背翁直到臘殘不甚雪
衣還試五更風

城南十里艷芳洲不遇閨人事冶遊風靜更無鸚鵡喚馬
蹄遙隔曝衣樓

蛇豕當年事頗繁喜遊泰宇長兒孫年年領得輸糧票不
見徵徭更幾邨

戒鬧房議

項思宏 邑人

鬧房惡俗昉於東漢匈奴班孟堅云初婚之夜男女無別
以爲戲樂則其源之所自來可知矣漢書載之正所以鄙
之戒之也楊升菴先生丹鉛錄嚴著一則以鬧房爲戲婦

有云以廟見之婦而同於倚市門之娼怒爲調謔今觀此語尤爲痛下鍼砭矣胡今之人迷頑罔覺猶藉此以恣俳諧矜豪尙如狂瀾之莫可挽者誰階之厲誰效之尤耶余於往歲曾貽書相戒凡名宗著姓皆已通聞然猶有人未盡知俗未盡革者爰復糾議通禁凡諸有志其皆有以崇禮教重倫常爲首務而痛洗鬧房之惡習脫又薄之爲老生常談安之爲通都舊俗則試使爲之父者默念其女之卜吉于歸胡爲乎供人調謔爲之夫者目擊其婦之結褵伊始胡爲乎侍客醉迷如是以推之人皆爲父人皆爲夫其以他人之女與婦爲我所不顧惜者其將以在我之女與婦爲他人所不顧惜耶有泚然不禁其顏厚有忸怩者

矣謹議

戶口

宋

淳熙民戶三萬七百三十八男丁四萬七千五百五十六

主戶一萬四千五百八十二男丁二萬七千一百七十七

客戶一萬六千一百五十六男丁二萬三百七十九

元

至元二十六年民戶二萬六百八十三男丁三萬一千八百二

十六

明

洪武二十四年戶七千六百九十九

民戶三千八百二十九 軍戶三千一百八十五 匠戶五百
五十四 醫戶十八 儒戶二十六 僧戶二十九 道戶八
校尉戶四十七 打捕戶三

人口四萬三千九百七十一 男二萬五千一百九十八
女一萬八千七百七十三

永樂十年戶一萬六百五十六口三萬四百九十九
宣德七年戶八千二百五十四口二萬七千六百五十 男一
萬七千一百六十二 女一萬四百八十八

正統七年戶七千三百八十口二萬九千二百二十七 男一
萬九千二百二十三 女一萬二百零四

景泰三年戶七千三百五十七口二萬八千八百六十五 男

一萬九千四百一十九 女九千四百四十六

國朝

康熙四年均里共三百五戶二萬三百一十一丁口 男一萬三千八百一十四 女六千四百九十七

康熙十三年間山寇犯城虛絕二十六戶 殺亡丁四千三百九丁 女二千二百一十九

康熙二十年奉文編審新收抵補人丁一千三百二十四 女四百一十七實缺丁二千九百八十五 女一千八百二口
康熙二十一年戶二百七十九口一萬五千五百二十四 男一萬八百二十九 女四千六百九十五

見在人丁男女實在一萬五千六百四十一丁口盛世滋生